

# 卷一

書名 重選唐音大成十四卷附錄一卷 嘉靖五年  
刊本  
撰者 明 邵天和 輯  
卷 卷一  
內容分類 集-總集-各代-唐  
索書號 集部-總集-51  
編號 D7841400

彩色首頁1

東洋文化研究所漢籍目錄 編號: D7841400

東洋文化研究所漢籍目錄所藏漢籍善本文影像資料庫 索書號: 集部-總集-51

漢籍善本文影像資料庫文本重選唐音大成十四卷附錄一卷 嘉靖五年刊本

版權所有: 東京大學 東洋文化研究所

使用上的注意事項

重選唐音大成卷之一

宜興邵天和節夫編校

始音

從軍行

楊炯

火照西京心中自不平牙璋辭鳳闕鐵騎繞龍城  
霜凋旗畫風多雜鼓聲寧為百夫長勝作一書生

劉生

本六郡年長入三秦白壁酌知己黃金謝主人  
生赤電馬足起紅塵日莫歌鍾發喧動四隣

紫騮馬



重選唐音大成卷之一

宜興邵天和節夫編校

始音

從軍行

楊炯

烽火照西京心中自不平牙璋辭鳳闕鐵騎繞龍城  
雪暗凋旗畫風多雜鼓聲寧為百夫長勝作一書生

劉生

卿家本六郡年長入三秦白壁酌知己黃金謝主人  
劍鋒生赤電馬足起紅塵日莫歌鍾發喧喧動四隣

紫騮馬

俠客重周游金鞭控紫騮蛇弓白羽箭鶴轡赤茸鞵  
發跡來南海長鳴向北州匈奴今未滅畫地取封侯

驄馬

驄馬鐵連錢長安俠少年帝畿平若水官路直如弦  
夜玉粧車軸秋金鑄馬鞭風霜但自保窮達任皇天

和劉侍郎入隆唐觀

福地陰陽合仙都日月開山川凌四嶮城樹隱三臺  
伏檻排雲出飛軒繞澗迴參差陵倒景蕭洒軼浮埃  
百果珠為實群峰錦作苔縣蘿暗疑霧瀑布響成雷  
方士燒丹液真人沁玉杯還如問桃水更似得蓬萊

漢帝求仙日相如作賦才自然金石奏何必上天台

夜送趙縱

趙氏連城壁由來天下傳送君還舊府明月滿前川

秋夜長

王子安

秋夜長殊未央月明白露澄清光層城綺閣遙相望  
川無梁北風受節南鴈翔崇蘭委質時菊芳鳴環曳  
履出長廊為君秋夜禱衣裳織羅對鳳凰丹綺雙鴛  
鴦調砧亂杵思征夫萬里戍他鄉鶴關音信斷  
龍門道路長居一方寒衣徒自香

聖泉宴

披襟乘石磴列藉俯春泉  
蘭氣熏山酌松聲韻野絃  
影飄垂葉外香度落花前  
與洽林塘晚重巖起夕烟

游梵宇三學寺

杏閣披青磴瑤臺控紫岑  
葉齊山路狹花積野壇深  
蘿幌栖禪影松門聽梵音  
遽忻陪妙躅延賞滌煩襟

杜少府之任蜀州

城闕輔三秦風烟望五津  
與君離別意同是宦游人  
海內存知己天涯若比隣  
無為在岐路兒女共霑巾

春日還郊

閒情兼嘿嘿攜杖赴巖泉  
草綠縈新帶榆青綴古錢

魚牀侵岸水鳥路入山烟  
還題平子賦花樹滿春田

仲春郊外

東園垂柳徑西堰落花津  
物色連三月風光絕四隣  
鳥飛村覺曙魚戲水知春  
初晴山院裏何處染鶯塵

郊興

空園歌獨酌春日賦閑居  
澤蘭侵小徑河柳覆長渠  
雨去花光濕風歸葉影疎  
山人不惜醉唯畏淥尊虛

對酒

投簪下山閣攜酒對河梁  
狹水牽長鏡高花送斷香  
繁鴛歌似曲踈蝶舞成行  
自然伴一醉非但閱年光

普安建陰題壁

江漢深無極梁岷不可攀山川雲霧裏游子幾時還

贈李十四

亂竹開三徑飛花滿四隣從來揚子宅別有尚玄人

滕王閣

滕王高閣臨江渚珮玉鳴鑾罷歌舞畫棟朝飛南浦  
雲朱簾暮卷西山雨閑雲潭影日悠悠物換星移度  
幾秋閣中帝子今何在檻外長江空自流

折楊柳

盧照隣

倡樓啓曙扉楊柳正依依鶯啼知歲隔條變識春歸

露葉凝愁黛風花落舞衣攀折將安寄軍中音信稀

登高臺

回中道路嶮蕭關烽候多五營屯右地萬乘出西河  
單于拜玉璽天子按凋戈振旅汾州曲秋風橫大歌

三月曲水宴

風烟彭澤里山水仲長園由來弃銅墨本自重琴尊  
高情邈不嗣雅道今復存有美光時多養德坐山樊  
門開芳杜逕室拒桃花源公子黃金勒仙人紫氣軒  
長懷去城市高詠狎蘭蓀連沙飛白鷺孤嶼嘯玄猿  
日影巖前落雲花江上翻興闌車馬散林塘夕鳥喧

西使兼孟學士南游

地道巴陵北天山弱水東相看萬餘里共倚一征蓬  
零雨悲王粲清尊別孔融徘徊聞夜鶴悵望待秋鴻  
骨肉胡秦外風塵關塞中唯餘劍鋒在耿耿氣成虹

送鄭司倉入蜀

離人丹水北游客錦城東別意還無已離憂自不窮  
隴雲朝結陣江月夜臨空關塞疲征馬霜氛落早鴻  
潘年三十外蜀道五千中送君秋水曲酌酒對西風

和夏日幽庄

聞有高蹤客耿介坐幽庄林壑入事少風烟鳥路長

瀑水含秋氣垂藤引夏涼苗深全覆隴荷上半侵塘  
釣渚青鳧沒村田白鷺翔知君振竒藻還嗣海隅芳

山庄休沐

蘭署垂閒日蓬扉狎遁栖龍柯踈玉井鳳葉下金堤  
川光搖水箭山氣上雲梯亭幽聞唳鶴窓曉聽鳴雞  
玉軫臨風奏瓊漿映月攜田家自有樂誰肯謝青谿

春晚山庄率題

田家無四隣獨坐一園春鶯啼扑選樹魚戲不驚綸  
山水彈琴盡風花酌酒頻年華已可樂高興復留人

文翁講堂

錦里淹中館岷山稷下亭空梁無燕雀古壁有丹青  
槐落猶疑市苔深不辨銘良哉二千石江漢表遺靈

邊城落日

駱賓王

紫塞流沙北黃圖灞水東一朝辭俎豆萬里逐沙蓬  
候月恒持滿尋源屢鑿空野昏邊氣合峰迥戍烟通  
膂力風塵倦疆場歲月窮河流沿積石山路遠崆峒  
壯志凌蒼兕精誠貫白虹君恩如可報龍劍有雌雄

宿温城望軍營

虜地寒膠折邊城夜柝聞兵符關帝闕天策動將軍  
塞靜胡笳徹沙明楚練分風旂翻翼影霜劍轉龍文

白羽搖如月青山斷若雲烟踈疑卷被慢一作塵滅似  
銷氛投筆懷班業臨戎想顧勲還應雪漢恥持此報  
明君

玄上人林泉二首

林泉恣深歷風景暫徘徊客有遷鶯處人無結駟來  
聚花如薄雪沸水若輕雷今日徒招隱終知異鑿坏

其二

俗遠風塵隔春還初服遲林疑中散地人似上皇時  
芳杜湘君曲幽蘭楚客詞山中有春草長似寄相思

重選唐音大成卷之一終







